



Diav Txog Txoj Kev Tuag rau Cov Me Nyuam

Cov me nyuam txoj kev nkag siab txog kev tuag mas nws nyob ntawm lawv lub hnuv nyooq thiab kev loj hlob. Ib tug me nyuam muaj 2 xyoos nws nkag siab txawv ntawm ib tug me nyuam muaj 10 xyoo. Cov me nyuam uas twb tau pom txog kev tuag los lawm mas yuav nkag siab zoo zog. Ntawm no yog ib co kev uas yuav piav qhia txog kev tuag rau cov me nyuam raws hnuv nyooq.

Hnuv nyooq 2 xyoos txog 4 xyoos

Cov me nyuam yau heev mas tsis nkag siab txog txoj kev tuag zoo. Ib tug me nyuam uas muaj hnuv nyooq li no mas yuav paub tias tus neeg ploj lawm. Tej zaum lawv yuav nug txog tus neeg ntawd ntau zaus heev. Nws yuav zoo dua yog tias siv lo lus “tuag” thaum teb lawv. Tsis txhob siv lwm cov lus uas yuav ua rau tus me nyuam nkha sij xws li “mus lawm”, “tsaug zog”, los sis “pawv lawm”. Siv cov lus yooj yim los piav qhia.

- Piv txwv li: “Pog/Niam tais tuag lawm os me mos. Nws yuav tsis rov qab los ntxiv li lawm.”
- Piv txwv li: “Tuag txhais tias lub cev tsis ua hauj lwm lawm. Pog/Niam tais hais tsis tau lus, mus tsis taus kev, tsis hnov, los sis tsis ua pa ntxiv lawm. Tus pog/niam tais uas peb hlub thiab ua rau nws tshwj xeeb ntawd ploj lawm. Qhov tshuav ces yog nws lub cev lawm xwb.”

Hnuv nyooq 5 xyoos txog 9 xyoo

Cov me nyuam no pib nkag siab txog kev tuag. Tej zaum yuav muaj kev tu ncuu me ntsis hauv lawv txoj kev nkag siab. Ib tug me nyuam yuav paub tias lub cev tsis ua hauj lwm lawm thaum tuag. Tej zaum tus me nyuam yuav nug tias “Pog/Niam tais puas yuav ua taus pa thaum muab nws faus rau hauv av lawm?”

Tus me nyuam yuav muaj lus nug ntau thiab yuav nug mus mus los los. Kev teb lawv tas los teb dua yuav pab kom lawv nkag siab. Tus me nyuam 2 of 2

tej zaum yuav ntshai tias ib tug neeg ze ntawm nws yuav tuag. Yuav tsum tau qhia rau cov me nyuam uas muaj hnuv nyooq li no tias yeej yuav muaj ib tug neeg los saib xyuas lawv tas li.

Hnuv nyooq 10 xyoo thiab hlob dua ntawd

Thaum muaj hnuv nyooq 9 los sis 10 xyoo, cov me nyuam feem coob nkag siab zoo txog kev tuag. Koj yuav tsum tau teb lawv cov lus nug kom ncaj ncees li ncaj tau. Tsis txhob zam qhov tham txog kev tuag. Qee lub sij hawm cov neeg laus tsis xav tham txog kev tuag kom tiv thaiv lawv tus me nyuam txoj kev mob siab thiab tu siab. Tej zaum lawv ntseeg tias tus me nyuam yuav tsis nkag siab.

Kev tu siab yog ib yam uas yeej tshwm muaj thiab yeej yog qhov lus teb uas ib txwm muaj los rau txoj kev ploj tuag tsis hais peb muaj pes tsawg xyoo li. Txawm tias tsis tham txog ib txoj kev tuag los, cov me nyuam yuav tu siab txog ib tug neeg lawv tau hlub tshua. Yuav tau nco ntsoov tias ib tug me nyuam txoj kev teb mas tej zaum yuav tsis pom tseeb los sis yuav tsis teb tau tam sim ntawd. Yog tias lawv tawm mus ua si nraum zoov tam sim ntawd tom qab paub tias muaj ib tug neeg tuag, qhov ntawd yeej tsis ua li cas! Qhov no yeej yog me nyuam tus cwj pwm li niaj zaus.

Sim ua raws li qhov tus me nyuam niaj hnuv ua, tshwj xeeb yog tias tus neeg tuag ntawd yog ib tug uas ze rau tus me nyuam. Txoj kev ua li niaj hnuv ua yuav ua rau tus me nyuam muaj kev ruaj siab thiab nyob tus thaum lub sij hawm tsis paub tseeb. Nws yog ib qho tseem ceeb heev uas yuav tau muaj ib tug neeg laus nkag siab nyob ze. Tus neeg nyob yuav teb tau cov lus nug thiab muab tau kev npliag thiab kev pab. Nws yuav pab tus me nyuam tswj qhov teeb meem thiab txav mus lawm tom ntej ntawm txoj kev tu siab.

